



聖天子

維中黃籙成本民福祿壽日榮華

帝禪英靈宮中靈名顯顯鳳成本日時靈日榮華開文清

求成本民福祿壽日榮華開文

帝禪英靈宮中靈名顯顯鳳成本日時靈日榮華開文清

千醜靈日榮華成本日時靈日榮華開文清

帝禪英靈宮中靈名顯顯鳳成本日時靈日榮華開文清

帝禪英靈宮中靈名顯顯鳳成本日時靈日榮華開文清

帝禪英靈宮中靈名顯顯鳳成本日時靈日榮華開文清

帝禪英靈宮中靈名顯顯鳳成本日時靈日榮華開文清

# 高皇帝御製文集卷第十七

## 祭文

### 中都告祭天地祝文



曰昔者元政不綱英雄並起民不堪命苦殃不可禁荷蒙

吳天上帝后土皇帝祇憫世民之艱苦授命

於臣賜以文武人多良能八年以來除民禍

殃臣蒙

上帝后土之恩文武之能非臣善為當大軍

初渡大江之時臣每聽儒言皆曰有天下者非都中原不能控制姦頑既聽斯言懷之不忘忽爾

上帝后土授命於臣自洪武初平定中原臣急至汴梁意在建都以安天下及其至彼民生凋敝水陸轉運艱辛恐勞民之至甚遂議羣臣人皆曰古鍾離可因此兩更郡名今為鳳陽於此建都土木之工既興役重傷人當該有司疊生姦弊愈覺尤甚此臣之罪有不可免者然今功將完成戴罪謹告惟

上帝后土鑒之

即位告祭文

維我中國人民之君自宋運告終帝命真人於沙漠入中國為天下主其君父子及孫百有餘年今運亦終其天下土地人民豪傑分爭惟臣

帝賜英賢李善長徐達等為臣之輔遂有戡定采石水寨蠻子海牙方山陸寨陳也先袁

州歐祥江州陳友諒潭州王忠信新淦鄧明  
龍泉彭時中荊州姜珣濠州孫德崖廬州左  
君弼安豐劉福通贛州熊天瑞辰州周文貴  
永新周安萍鄉易華平江王世明沅州李勝  
蘇州張士誠慶元方國珍沂州王宣益都老  
保等處休兵息民於田里今地周廻二萬里  
廣諸臣下皆曰恐民無主必欲推尊帝號臣  
不敢辭亦不敢不告  
上帝

皇祇是用吳二年正月四日於鍾山之陽設  
壇備儀昭告

上帝

皇祇簡在

帝心尚饗

朝日祝文

混混之初兩儀無象神光未著及穹壤既立  
神光運行照臨下土萬象昭明形影俱分四  
時序而天地位民物蒙恩凡有國者咸脩祀

禮今當仲春式遵古典致禮以祀謹以玉帛  
牲齊用伸祭告尚饗

鍾陰之精配陽之德歷代相承祭以秋夕今  
也時已秋分特備牲醴祭奠伏惟神鑒尚饗

皇清周天星辰祝文

布列周天各司舍度光燭於下人所瞻仰今  
季秋之時穹碧澄清萬象輝輝朕遵古典躬  
伸禮祭神其鑒之尚饗

先聖三皇歷代帝王祝文

昔者奉天明命相繼為君代天理物撫育黔  
黎彞倫攸序井井繩繩至今承之生民多福  
思不忘而報特祀以春秋惟帝兮英靈來歆  
來格尚饗

祭西嶽華山西鎮吳山文

維神磅礴西土為是方之嶽鎮古昔帝王必  
知神有所司故載在祀典為民祈福今予統  
中國兼撫四夷前者為剎罕腦兒伯顏密邇

中國屢撫不服告神用討已行絕滅自陝西  
迤北民無兵禍之憂但方今河州東南西南  
吐蕃川藏等洮州三副使頴素子雖以子入  
侍於心將欲抗拒朕心有所不安特告神知  
命將率兵前行進討惟神鑒之

祭大河文

維神蜿蜒東注故稱大河古昔帝王

餘文並與西嶽

同

遣功臣等祭五嶽四鎮四海四瀆文

荷

上天

后土之眷命蒙

神之效靈以致平羣雄息禍亂君主黔黎於  
華夏統徃蠻夷於今十年中國康寧然於  
神之祀若以上古之君言之則君為民而禱  
載有春祈秋報之禮於斯之祀有望於  
神而祭者有狩於所在而燎瘞者今予自建  
國以來十年於茲國為新造民為初安是不

得親臨所在而祀  
神也特遣開國功臣某道士某以如予行奉  
犧牲祝帛於祠下以報效靈自今以後歲以  
仲秋詣祠致祭惟  
神鑒之尚饗

遣功臣等祭北鎮醫無閭山文

荷

上天

后土之眷命

此下文與五嶽四鎮同

今予自建國以來

十年於茲每望祭

神於京師未遂詣祠而祀予當親至近郊而  
望祀柰國為新造民為初安是不得親臨所  
在而祀

神也特遣開國功臣某道士某以如予行奉  
犧牲祝帛於近郊設壇以報效靈自今以後  
歲以仲秋遣官代祭惟

神鑒之尚饗

奉迎

社稷祝文

曩者建國之初立

神壇於此其宮殿城垣一切完備後因工匠厭鎮百端於心弗寧復命工興造宮室亦已完備於

社稷之思想必有厭故將

神壇建於午門之右工既完成理合奉迎安祭謹告

神其鑒之尚饗

奉安

社稷祝文

古人之祀

神也載之於書其議禮紛然莫可知其的前

代

神壇兩居共一壇而處於理非宜以古人言之

大社五土之神

大稷五穀之神五土發生也五穀因之而茂



馬當一壇而祭理應特選今月初一日奉  
二神於此合壇共祀以

仁祖淳皇帝配

神作主永為後世法

神其鑒之尚饗

合祭

古人天地文

曩者建國之初遵依古制祀以南北之郊

諱周旋九年以來見古人之意固誠於禮未

為然也且人君者

父天

母地其仰瞻覆載無不思也及其祀也則有

南北之壇終不會祀以人事度之為子之道

致

父母異處安為孝乎今也大壇鼎建未完朝

堂新造已備時當冬至謹合祀於殿庭自今

已後每歲合祀於春時永為定禮以

皇考仁祖淳皇帝配神惟

上帝

皇祇鑒之尚饗

告廟配享祝文

曩者建國之初遵依古制祀

昊天上帝

后土皇地祇於南北之郊

此下與合祭天地文同

當時

冬至謹合祀

上帝

皇祇於殿庭自今已後每歲合祀於春時永

為定禮謹請

皇考配神伏惟鑒之謹告

祭岷山天女洮水諸神文

神鍾靈秀機莫人知然而福善禍淫以教人

聰明正直之為也朕命將指揮聶緯等率兵

守禦是方是方乃神所居之處兵既臨此就

命聶緯等代朕會神以祀神其無私尚饗

祭城隍蔣廟文

朕起寒微荷

北天后土眷顧百神效靈君主中國曩者平  
強暴息禍亂每賴戰騎以長驅邇來禍亂已  
平必備多騎以禦侮所以設太僕寺統羣牧  
監繁馬於郊今年選馬四千有三百上槽俄  
生疾流傳甚為朕患且朕立京於是方專陽  
道而治生民也神靈是方專陰道而察不德  
也朕有所為不得不告今馬有疾故告神知  
神其有知祐我羣牧尚饗

祭嶽鎮海瀆鍾山大江旗燾文

曩者兵爭已久老幼艱辛少壯奔逼苦哉甚  
矣當是時賢愚思治感動昊穹於是

上帝好生授民以福命予平禍亂育蒸黎子  
無已能多賴

百神效靈今者禍亂已平十有一年矣惟西  
戎有密邇邊陲者洮州戎寇肆侮年年未嘗  
出師問罪今特命西平侯沐英僉都督藍玉  
王弼等率兵進討兵行會  
神以告

神其鑒知尚饗

皇伯考啓攢祝文

惟

伯考同我

父皇之

父母一氣由來推源及派敢不尊崇曩者天下大亂人無紀律兵禍流行非獨人世不安在黃壤之下者亦不能靜居所以

伯考之神魂子孫之靈魄皆陰宅於此因兵為人所發朕本無知惟傍親言其的方知

伯考於是焉

伯考已絕嗣矣朕本猶子故展微衷特擇地以改葬之選於今日起離舊塋謹遣

其齋牲

醴以告惟

伯考鑒之尚饗

祭元幼主文

嗚呼生死廢興非一時之偶然乃天地之定數也所以大聖賢者於斯四事若或有一臨

之皆不以為色難蓋謂知天命之必然是所以生順天地之命雖死亦無後恨此所以知天命而不惑也且君之祖宗昔起寒微於沙漠當是時天下巨富而為民主者兵強地廣又非一人而已皆不能平君寒微之祖以致葺戈整戎彎弧執矢橫行天下八蠻九夷盡皆歸之此所以天命也延及君之父子正當垂衣以享承平之福何期盜生汝穎華夏羣雄以致君之父子號令杳然終不能平之此人事歟天道歟朕起寒微托身緇流朝暮起居不過侶影而已安有三軍六師以威天下豈料應圖讖有天命衆會雲從代君家而主民曩者君主沙漠朕主中國因君與羣臣固執天命不移特以彼是我非是有鄰邦之好不修我不敢以使多進邇來聞君長往念昔有元之孫安忍不弔行人至奠以牲醴惟英靈不昧尚饗

祭隴西王李貞文

嗚呼哀哉骨肉之親昔者朕居元時生理艱  
辛  
皇考妣甚為憂戚惟姊孝專心爾能同之故  
有資助雖歎不荒然而數年之後

皇考妣長往姊亦棄世但只爾我共生人間  
忽

天更元運寰宇兵爭當是時爾我天各一方  
消息莫聞彼此不知保命何期

天地祖宗眷祐朕應圖讖撫群英爾能有知  
携兒來棲此為骨肉之親也朕嘗思之平日  
寒微親戚寡少獨存爾我但願長生不期一  
疾既臨倏然去世嗚呼哀哉痛切於心然生  
死之道世人之常今也子封公爵孫有官稱  
甚哉昌乎爾其有知尚饗

祭衛國公鄧愈文

昔者爾父兄起兵於承平因兵及疾相繼而  
亡獨爾幼存方長纔結髮之時而又從兵十  
八歲而至於滁陽十有九歲朕率渡江來因

爾剛柔相濟朕撫練為將以致調守諸郡爾善能馭士撫民不作非為已歷八州矣當羣雄角逐之時雌雄未定之秋朝夕患難相保爾亦多煩為斯德合前勞朕法哲王之制爾遂為名世之臣乃有衛國之爵其於人臣可謂功成名遂矣前者為西戎肆侮命爾率衆徃征已行殄滅其黨景張國威特命爾班師復命何期中不測之疾中道而逝不復復命矣使朕不覺哀哉痛哉又何望也然生死之道世人之常壽之短長亦未生之先有定丈夫至此生無非為之作乃有福祿之榮雖逝也亦何恨哉今也子已長成名將愈昌爾其有知尚饗

祭王恭文

始自乙未年間吾渡江太平以爾入吾門而為婿後爾長成吾有不勝之喜為疆宇日廣軍民繁衆於是內托姻親外假股肱使率兵以鎮名郡而當方面何期爾父子皆不保榮

貴而務職私容逋逝而隱有罪致是失托姻親之望絕無股肱之能故發所司以取所作之由於是免官發同庶人居未幾何有人來報爾因疾而長往然爾雖身死於國無功於親失托可謂自恨矣今也三年服終特令人以牲醴致祭爾其有知尚饗

祭義惠侯劉繼祖及妻夫人婁氏文

昔朕

皇考妣薨逝賴爾惠朕葬地遂得安於陰宅

念爾之德難忘特封爾為義惠侯及妻婁氏為夫人遣官齋誥命贈爾夫婦仍以牲醴致祭靈其有知尚饗

祭僉都督丘廣文

朕起兵淮右相從者衆老成者多獨爾方結髮之時荷戈戎行膽壯而氣剛凡摧堅撫順爾皆有功今天下大定正當貴身榮家樂太平之福何期年未高而忽疾杳然長逝嗚呼生死之道世人之常爾雖早亡功名昭著夫



夫至此必無憾矣爾其有知尚饗

祭安南國王陳端文

上古受胙方隅者一王綱而無二所以固封疆遣逋逃却有罪睦鄰邦而恤鰥寡故得二者之歡心以事先人爾端為民上於安南失固封疆未審曾侮於鰥寡而乃至占城有是此果逼迫人而若此歟彼占城無禮致徂征而若是歟使者來告爾歿海濱朕不覺痛心嗚呼一言可以興邦一言可以喪邦其陪臣之佐奚用其道有此耶嗚呼顛而不扶危而不持焉用彼相然雖云爾亡邦家無虞特遣使奠祭爾其有知尚饗

祭安東縣沐陽縣鬼火募繁文

幽有鬼神朕嘗信之不惑然陰陽之道昧在陽非君為民而祀之於當祀者餘不鬼神之祝為人臣而官守方隅如之所以為民也若庶民捨祖宗而他祀則非宜也君臣不為民而祀亦非也且在陰者非嶽鎮海瀆山川載

在祀典之神承

上帝后土之命福善而禍淫則神不人見所以神之為人也若在神之為禍善而福惡者則非聰明正直也朕思惟神鑒人雖毫釐莫可潛偽以其神去來無迹出入無時故鑒知必精獨人不測於神今洪武十一年四月十四日永嘉侯差百戶來奏安東縣沭陽縣地方民人暮驚謂野有夜持炬者數百或成列或星散巡檢逐之無有擊之有應朕不敢聽

而匿特差人致牲醴會爾鬼神於現形所在論問之夫中原之地因有元失政生民塗炭者多死者非一而已故絕宗覆嗣者有之生離父母妻子而懸於陰陽者有之爾持炬者莫不五姓無主孤魂而欲祭若此歟正為懸隔父母妻子而有此歟乃無罪而遭殺寃未伸而致是歟莫不有司怠恭而怒之忿歟朕切問爾持炬者四事果屬何耶若是有為而至朕自即位以來凡前王載在祀典者各有

時而奠他不敢妄於正直鬼神之禮未嘗缺  
焉爾持炬者禍應禍而福應福勿妄為民害  
自招天憲故茲勅問想宜知悉

高皇帝御製文集卷第十七

高皇帝御製文集卷第十八

祭文

奠忠襄王李察罕文

草之勁者非疾風不顯人之忠者非亂世難  
名爾李將軍當中原擾攘元政不綱大臣竊  
命守將擅兵於外是致干戈鼎沸國勢日危  
人將以為元無人矣何將軍之忠義倡農夫  
為三軍拔智勇以上聞頒爵以官之明其分  
數義旗舉而兵興齊魯強兵僅能固守爾能

陳兵於野請命於朝進退有方君命是聽當是時忠心昭如五曜號令嚴若冰霜所以動天地而感鬼神以其忠之所致夫何兵既勝志少盈納逋逃釋有罪忠義漸虧鬼神鑒見俄而禍膺不測殞於敵手然忠未終而姦未顯壽不期年果屬何耶莫不竭忠以身先而致是歟抑人臣之有將而若此歟噫予數其事而酹之猶生之對也靈酣而往予紀而歸誅心之言爾其聽乎

祭柏子潭龍文

昔兵駐滁陽適當秋首正禾苗暢茂時乃無兩軍民惶惶予亦甚沮詢及土人言豐山之東潭有神龍每遇旱患禱之輒應予親詣懇切於祠神不我棄後三日乃荅俄風生萬壑倏墨雲遍於太虛湏臾霖雨濟我軍民然雖去此而常想二十年間凡旱患猶極目於神方今年群牧在斯掬淵泉飲有告我者蛇入神祠予想非蛇必神有所為而至豈牧豎褻

瀆而有所惡歟抑神心悅而至歟嗚呼倏然  
忽然予所不知特遣官致祭并禁掬水神其  
鑒焉

祭平章李思齊文

卿昔為民中原時逢世亂獨能仗義施仁挺  
身奮臂率義旅以保關中臣元有年矣何元  
綱不振社稷陵替卿尚能固守臣節斬我行  
人忠臣之義可謂盡矣然大厦將傾非一木  
可支未幾胡君遁去中原土地復我漢人朕

遂為生民主當是時漢人棄丘隴從胡為我  
中國仇讐至今身膏草野骨委沙漠唯卿退  
守臨洮心思父母之邦義忠族類是以全境  
保民助我成功今七年矣夫何久疾不痊以  
致長徃意握兵一世又得善終亦人之所難  
卿能如是豈不美哉朕聞卿歿不勝痛悼今  
遣某官用牲醴致祭卿其享之

祭淮安侯華雲龍文

昔皆民人爾因世亂歸朕今有年矣雖無獨

建奇功隨衆勤勞多著念爾勲舊特加侯爵  
朕以燕地之重托爾任守務在軍安民樂委  
以燕相更望輔弼何期數年間軍勞民怨詢  
其所以乃爾巨府院擅工役害衆成家書曰  
作善降之百祥作不善降之百殃推爾之故  
莫不去賢而近愚忘所以報神人共怒致令  
如是歟抑爾前生壽數有定而若此歟然當  
在生之時可為善而不為今事已往其幽冥  
處判無私已在目前是非還自知否朕有誓  
曰生封侯而死謚以公著為常典爾生前守  
爵而害官民法不當公止葬以侯禮且薄情  
不厚所以責之也爾其聽之尚饗

祭滁陽王文

曰曩者羣雄鼎沸之時民不堪命王乃奮臂  
定遠拔濠城而守之朕方從軍幾被他人所  
害惟王能活我致有今日盡平天下家國已  
成再生之恩終世難忘今者督工鳳陽道經  
環滁瑩祠在斯遣官致祭尚饗

中都祭開平王文

曰思爾相從於今二十有二年矣然爾去世  
倏經五載若觀聽容聲止有一十七年耳當  
前十七年間東征西伐擲風沐雨奮不顧身  
開拓疆宇朕知爾心至如嚴號令帥三軍摧  
堅撫順英風冠世海內知名其為丈夫也莫  
不慨然心至生也如是死也封王寔宇既稱  
祖宗光耀子受公爵女嗣后基今古如是者  
其不多見今年夏四月朕親至中都驗功勞  
公侯相從護駕者群然行失爾隊列亡爾班  
使朕心惻然因祠在斯特以牲醴享爾如生  
爾之昔友皆隨來奠神其不昧尚饗

祭先陶神文

神以初世治陶尤精埏埴為器窰冶成功今  
古不易用且無窮

神之公志有若是耶今也命匠施陶為朕所  
用特遣官致祭更祈聽役之人身無他患始  
終完成是其禱也神其鑒之尚饗

祭温州千百户文

曰歷代設兵衛在乎禦侮職於斯者則有櫛風沐雨野宿風餐披堅執銳之勞以其臨陣也則有捨父母忘妻子奮不顧身乃能克敵功著史冊名冠天下如此者實古名將已然之事是致家榮貴國磐石至今昭昭朕統天下以來中國方寧法前人之所為守在四夷自洪武初至今倭夷數為寇於海濱生離人父母妻子損傷物命特勅爾等聽將軍靖海

侯吳禎令舟營海上以靜方隅夫何朕政有缺天風大作怒號於滄溟之上爾乃恪恭將命信地弗違是有檣傾楫摧舟碎爾亡然生死之道世人之常得其死者既廣不得其死者甚多今爾諸人為國為民而殃及於身事雖如是不為汎然訃音一至朕將何措雖感傷於衷爾生安得而歸故特遣某官臨海設壇致祭仍命僧衆脩設道場追薦爾魂使有所歸凡有官者則祿爾子孫軍士父母妻子



則給糧養贍靈其有知承此祭享

### 祭保誌法師文

昔者師能出世異人性備六通景張佛教使  
兇頑從化善者愈良及其終也擇地於鍾山  
之陽陰其宅而居之經今八百六十七年今  
朕建京在邇其為師焚修者俯而視之因勅  
中書下工部造浮圖於山之左今將完成徙  
師於是於戲漏盡毋生人我劫終勿墮塵埃  
惟師神通尚饗

### 龍江祭太歲諸神文

為出師征西南夷

上帝好生凡有國者必欽承而效之則民安  
物阜邇年以來西南諸夷歲為邊民患斯患  
也稱自堯舜以至於今化弗循教征弗畏威  
蓋恃崇山而固險倚林木之深叢跳梁出沒  
虐良民而傷生今遣江夏侯周德興克征南  
將軍進取散茅等洞安慶侯仇成克征南副  
將軍征取容美等洞以及散茅其遣將發兵  
必欲摧堅撫順以靜西南兵行特專昭告神

其鑒之尚饗

禱雨咨京都城隍文

天久不雨時將過矣實予之罪首夏亢陽本欲禱於

上帝

后土慮恐煩聽以致因循至今良民失望皆有憂心予不敢徑達

上帝

后土於今月十一日親告於鍾山之神望神

轉達於

上帝

后土惟京都城隍之神先期與報至日祝焉

禱雨有應謝鍾山神祭文

天久不雨烝民懷憂予將告神而未施乃先城隍必城隍善予所云故告旱之辭未訴神其我知即日大雨時行今來詣山而謝神神正無私祐我烝民謹謝

祭漢蔣秣陵尉文

今年仲季夏間

上帝震怒皆朕失奉

天心作為太過以致朝廷多事軍民弗安既受

帝命遑遑無措知無不改然未知

天意曾無回乎俄爾有來告者當

帝怒時神祠亦有干焉朕思神非朕諂朕非諂神朕凡無知陰道以情理推之必因新建而人愆累神然皆朕不能斷而致是今既工

成而有

帝責之跡本不敢完既成而廢恐人失瞻望特依跡完之朕非佞神嘗聞向者福善禍淫每皆當焉朕所以美神已往陰功無諂毋敢弗扶陰而化民故時祀之今完之欲民為善耳他無所干牲醴之奠神其饗之

祭外祖揚王文

孫起布衣於淮甸漸羣雄之來從凡二紀於茲其間摧堅撫順歛跡豪雄平禍亂於寰宇

播穀教於八埏安黔黎於村市是以尊稱華  
夏耀揚六軍握九伐之威以鎮頑積四海之  
利以賞善斯非

上天

后土之耶鑒

海嶽之效靈

家祖

外祖累世皆積陰功奚若是耶每念

外祖之靈必欲親詣年思月想終不遂行為

其國事浩繁弗克詣前今特命外從孫曹國

公李文忠以牲醴之奠獻於陵所以建靈堂

及云追封

外高曾祖考妣之由惟我

外祖英靈不昧尚饗

祭外高曾祖考妣文

非累世陰功奚生我

母必積德廣深感格

天地福加於我然幾暇常思無由展報為其

育

母之深恩曠如

昊天

后土雖欲報勞焉能及之今節屆孟秋特遣  
內臣奉御杜亮齋衣儀詣陵告祭尚饗

祭仲姊曹國長公主文

感傷

父母鞠育之恩思惟

姊孝

父母之專時刻有省油然動心更思

父母初逝兄弟相離

姊我是別當是時也各天一方悲傷痛切惟  
鬼神知我此時雖居至尊未嘗有忘今也節  
屆孟秋特遣內臣奉御徐慶齋衣儀詣

姊墳所

姊其享牲醴受衣儀悅

父母之英靈尚饗

祭宋威武軍承宣使張淵文

世物皆消長朕疑格以觀之然其所以然矣  
再閱古而目今聽智賢之所云乃有不磨者  
惟功德著於人神而能永焉昨宰營繕者入  
奏謂爾威武軍承宣使張淵陰宅其下既開  
而見辭知捨身以捍患每禦侮以防姦當善  
終於淳熙甲午之孟秋爾君念忠勤而不忘  
遂勒石於壙今朕勅宰營繕者鼎新陰宅於  
是於戲捨身而身存堅忠而名著其不磨也  
可謂忠焉者矣故茲奠祭爾其饗之

祭濟寧侯顧時文

嗚呼訃音來報云及爾亡遂感傷終始發哀  
心之無窮致涕淚欷歔而不已又忽歡動衷  
情謂識千古之將有所不及夫何如哉蓋將  
能成功而不為敵所辱朝野無議但嬰微疾  
遽然長往此所以名世良臣爵及子孫祿榮  
於家斯善終之萬幸也然生死之道今古不  
異世人之常於戲摧堅撫順披甲胄於年年  
其報效忠勤日星昭著靈其有知以享斯祭

其時祭兩浙運使李世傑文亦昧以享祺祭  
爾昔壯時以武從事東征西伐摧堅撫順爾  
皆有功剛正不屈公以在職賄賂無知所以  
命職煮海他官弗肩錢糧辦集已及數年正  
當高壽之時恐精力不繼遂令致仕養老於  
家曩者王溥不遵朕諭累犯憲章朕命釋之  
今年汪信來首云溥非為爾為前導朕聽斯  
言必奸臣共謀者因是罪及傍人者衆無乃  
過乎事未久而爾亦逝矣疑其為此而有愆  
歟然或真偽彼此朕所不知今爾臨葬之時  
特差內臣奠而囑之爾其尚饗

祭千戶夏以松文

曩元之季海內分爭英雄者非一擅轂教罔  
知天命者多惟爾以松思鄉里之切遂倡義  
旅自維揚渡江東來助朕征討以致有功前  
數年福期高壽命從子襲爵使爾優游以終  
天年邇聞訃音一至思與相從甚至感傷今  
特致祭靈其不昧

祭都督何德文

爾自聽命以來勤勞累著功業愈多朕將報  
功賜以巨賞何期但嬰微疾遽然長往然壽  
雖未足歸去人歡何也以其為將而功著朝  
野不為敵所辱而得善終豈不善之善者也

祭四輔官安然文

爾中土之士昔當元末從事義旅効力於元  
職掌兵夫及元運終大將軍長驅齊魯當是  
時爾守齊東爾為中土之士祖宗丘隴在焉

所以棄胡歸我其來甚誠朕於爾嘉是以數  
授之以重任每臨方面累有極刑之犯者三  
朕嘗釋之前年為坐視胡惟庸陳寧為惡意  
已同姦朕思來歸之美仍前釋之昨為朝無  
人用復召爾來想必加誠事朕何期鬼神鑒  
焉爾懷自愧之疾遽然幽往朕觀所以必有  
究乎然朕尚思初歸之意猶加牲醴之奠

祭營田使馬世熊文

嗚呼長者之歸也盡



天之道乎所以天之道禍亂不作於善災害  
不萌於良使得善始善終

天之道也爾世熊昔役公門未嘗輕惑於人  
及帥義旅度量宏深士卒感恩時當高年前  
月爾孫來奏云老疾少侵是月歸奏乃知訃  
音嗚呼傷哉嗚呼快哉且傷傷善人去世君  
子誰同快快於善始善終而盡天理也朕務  
煩失遣使問疾時已過矣特遣人祭於靈所  
世熊有知尚饗

祭小張國公文

爾本有元之臣率衆闔外禦侮防閑偶爾部  
下生變挾爾來歸實非本情居朕京師已有  
年矣今既年邁老疾日侵終於長逝特遣某  
官以牲禮祭奠爾其有知尚饗

祭江陰侯吳良文

昔忠誠之士從君堅身許之志故犯患涉難  
以尊一人而安天下蒼生立高名不朽於史  
冊今古智人覽之無不歡心爾吳良從朕於

擾攘之秋年馳月驅擲風沐雨野宿風飡披  
堅執銳十有四載方封侯爵今又十四年矣  
正欲安享富貴何期為營造而出嬰微疾而  
長往訃音至京朕何言哉然為將之士忠於  
君而能不禍亂為民作福而乃身得善終爾  
無憾矣遣人以牲醴致奠靈其不昧尚饗

祭孔希學文

曰三綱五常之道始上古列聖相承率脩明  
以育生民至於中古將欲墜焉非先師孔子

孰能脩明之今生民多福惟三綱五常之道  
備耳蓋世之大德者天地不淪沒人民無惡  
聲所以為帝者師血食千萬世不泯子孫存  
焉朕以爾孔希學繼世焚脩亦張斯教以顯  
爾祖何期訃音一至云及長往嗚呼襲封禪  
貴克保令終可無憾矣特遣使以牲醴致祭  
爾其饗之

祭真人張正常文

繼出世法統仙度人禦災捍患機幹萬靈飛

符仗劔轉斗移星雷神聽令妖魅潛形道光  
斯時貌正精英何乘鸞之去急控法印於上  
清今遣人奠以牲醴爾其有知尚饗

祭署令劉英文

昔者朕寓居是方存亡者感英父子之恩至  
今猶存情懷未嘗有所忘也前者英赴京來  
朕為機務浩繁兼壽有年失顧問於英三日  
復覺令人覓英所在莫知所之稽於金川之  
門守者報無知英之出入復於京內物色數

日乃知英還矣命召復勞再見久未至再命  
召之告者乃云英亡嗚呼感恩之道常懷感  
恩之禮未終英遽然長逝朕思昔恩不勝嗟  
悼特以牲醴之奠祭之英其不昧饗之

高皇帝御製文集卷第十八

高皇帝御製文集卷第十九

古詩

春日鍾山

春吟鳥樹聽流泉  
澗下鳴泉喚山谷  
迥迥處野人情  
吾吟吟未已孰與春  
相迎相迎桃李  
花鶯燕鳴丁丁  
麤麤盛蟠科寰宇  
樂民生

暮鍾山二首

遊山自盤旋俯谷仰  
竒巔松聲細入耳  
雲生水石邊敲竹  
猿長嘯臨崖視鹿  
眠白鶴來天

翅玄裳羽翼鮮采芝携桂子任意恣踰躑野  
人溪外語黃鶯轉更便山靜鳥歸疾林深紫  
暮煙樵還漁罷釣暢飲樂吾年

又

暑往鍾山阿巖幽清興多薰風自南發森松  
鳴弦歌玄猿嘯白日丹鳳巢洞柯靈芝秀深  
谷祥雲盛嵯峩樹隙觀天碧天青似綠荷迥  
聞樵採木曲澗沿珠螺鳥樂山深邃予歡顏  
亦和野人逢問處樂道正婆娑

詠李白短歌行

漁樵較長短是非盈耳滿話盡誠渺茫山水  
各悠長買臣文章中蟠溪望鬢霜兩人隔千  
古美惡皆一場爭能在當時於氣超榆桑罷  
釣平紂是休樵飲瓊觴賢愚自不泯黑白成  
殊觀

木蘭題西施

天生兩竒絕越地多群山萬古垂青史西施  
世美顏窈窕精神緩悠然體態閑笑擁丹唇

臉皓齒出其間一召起閭里句踐扼雄關伐  
謀應得志西浙徑親攀鐵甲乘潮渡黃池兵  
未還

賜應奉陳溥歸關中

卿家居三川大河環蜿蜒吳山在西土華岳  
翠東天涇渭水浩瀚終南固南邊藍田關倚  
碧秦嶺橫紫煙太白峰高處炎天雪似綿今  
卿年本邁歸志不留連火帝當時節沿途善  
保全陸行還謹宿乘舟渡深淵智人能識已

獨不伏生前慎突晨煙進搖鞭紫陌遷虎牢  
逢故壘漢楚孰英賢銅駝聞挾彈翁仲立魏  
然伊洛天清水梁唐今幾年峻函西入國潼  
道扼黃埏百二山河壯英雄在守焉至老經  
遙涉胸開意自便人情偶相合相離更何言  
我不能人教卿當自勉旃

鍾山賡吳沉韻

嵯峨倚空碧環山皆拱伏遙岑如劔戟通洞  
非茅屋青松秀紫崖白石生玄谷巖畔毓靈

芝峰頂森神木時時風雨生日日山林沐和  
鳴盡啼鶯善舉皆飛鵠山中道者禪龍頭童  
子牧試問幾經年荅云常辟穀白鶴日間朋  
黃猿夜中僕萬歲神僊榮千秋凡人祿無知  
甲子壽但覺年數福彩雲出洞中鴻濛山之  
麓

又賡戴安韻

旭日射山巖嵐光加翠色鳴鳳在高柯育雛  
傍崖側風來楸葉紅寒鴈起塞北江流護周  
迴天澄雲影碧磅礴氣氤氳鴻濛太古積靈  
秀峙差峩仰瞻常晨夕倚天來何時孰謂題  
名籍朱湖洞中僊蟠桃徑一尺

又賡荅祿與權韻

時雨濟八荒萬物皆精爽遙岑歛白雲巖壑  
盡軒敞啼鶯舞林麓民樂更何想樹底清風  
生花馨送至徃野人入市沽沽畢還山上庶  
士問民瘼王綱仁義掌智人若峰巒天下有  
所仰埋雲疊嶂松微音琴撫響

天竺僧

比丘乾竺來情思脫禍胎去鄉十萬里飛錫  
不塵埋宵晝觀孰大無時不常懷志立無上  
等必欲精神詣忽然觀身影影乃與身偕若  
欲離塵垢將影與身排再觀世萬物有形必  
影該尋思欲解分似乎與理乖空寂如是說  
咸將貝葉開論影始太古至今尚猶猜日午  
難迴避臨水見眉腮月下偏分曉愚云似恠  
哉智人果解分禍胎兩忘災或說身裁影亦

曰影身裁顛倒論常世倒顛日日俳觀倦息  
意馬勞心猿似豹到了難分去從伊子細差  
閉門終不見出戶倚身牌有時定玄機俯仰  
河根芟祖佛如何定影子在塵埃爾昇從爾  
上爾降從爾階躊躇從躑躅穿履亦穿鞋反  
復誠難避簪花猶插釵虛實誰參透天厨一  
供齋八萬四千戶閭閻迥榭臺雞犬聲無異  
莊周化骨骸漆園曾作吏槐國已知槐幻中  
生幻夢幻影與身哀影幻身亦幻何時有壯



衰若欲常寂靜百骸與之齊智慮渾忘却天  
然似嬰孩

賡僧韻

天台五百尊方寸皆明月月影彌千江何曾  
有暫歇為斯妙用通今古長不滅昔當懸挂  
時誠非凡可越住世及應世幾度阿僧劫假  
錫作梯航泛海濤如雪一旦杳無蹤暫與沙  
門別儵忽羣禪中孰能為機泄禪心曠無跡  
如海亦何竭僧本具佛心宗門常合轍

善世禪師遊方歸朝

前年拜辭去今春二月歸未聞湖海濶但見  
禪眸輝踏雪來朝覲家風祖佛規默坐各無  
語方寸究徘徊櫻花纔臉笑枰眼正舒眉獨  
翁任清淨愚俗多險危姦猾不善死到處冢  
纍纍爾心鑑此患棄家永不回年年常作客  
如蓬被風吹哀憫自天祐仁深久必為切記  
無住相與佛莫相違

寶光廢塔

寶塔摩青蒼招提歲久荒秋高棲俊隼夜深  
月影長寂寂星搖蕩飛霞入棟梁守僧都去  
盡螢火作燈光鬼哭思禪度遺經風日張獨  
有來巢燕呢喃似宣揚停驂傷古意雲合草  
頭黃聞說當年盛鐘魚徹上方

歌行

賡僧錫杖歌

由來震旦始乾竺扶老應須棲此杖鈴鈴琅  
琅妙且音撼振一聲空谷響或時化作飛龍

威長空如水何相持有時比翼論端的方覺  
玄關顯現時志悟未通心委曲鴻濛渾沌同  
塵俗驀然一悟凌煙霞覺此覺他方意足神  
眸昭昭衆生顧隱隱微微如法故每擔日月  
猢猻藤簾食由來飽祇樹

寺中猫食肉

緊行慢行皆虎形室中捕鼠百般能精舍一  
隙透靈鼠朽殘經卷將何補為斯育爾佛釋  
迦日逐隨僧常茹素常茹素一旦筵前舒爪

距爾勤爾役誠可錄賞彼丹衷命食肉

春日鍾山行

我愛山松好雲埋常不老幾度春風吹更綠  
勝似蓬瀛美三島石徑聞藥馨流泉嫩青草  
草青啼鳥澗邊幽玄鶴摩空來晨蚤錦衣隊  
列出山阿飲客婆娑歸更飽山清水清我亦  
清有秋足我斯民寶

倭扇行

滄溟之中有竒甸人風俗禮竒尚扇捲舒非  
矩亦非規列陣健兒首投獻國王無道民為  
賊擾害生靈神鬼怨觀天坐井亦何知斷髮  
斑衣以為便浮辭常云弁服多捕賊觀來王  
無辨王無辨褶袴籠鬆誠難驗君臣跣足語  
蛙鳴肆志跳梁干天憲今知一揮掌握中異  
日倭奴必此變

高皇帝御製文集卷第十九

高皇帝時樂文集卷第十九

日對必必火變

秋高對... 此... 于天... 今... 一... 對中異

無... 天... 其... 山... 於... 新... 澤... 水... 上... 如... 之... 器

斑... 亦... 非... 與... 國... 新... 對... 首... 於... 精... 固... 正... 無... 復... 乃... 尚

日... 長... 章... 律... 文... 臺... 各... 誌... 運... 於... 本... 日... 指... 餘... 登

並... 正... 年... 於... 本... 日... 指... 餘... 登... 日... 親... 赴... 并

日長章律文  
長章律文臺各誌運於本日指餘登

並正年於本  
並正年於本日指餘登日親赴并

守... 與... 各... 內... 臺... 各... 聚... 執... 身... 於... 本... 日... 時... 餘... 日... 於... 董... 於... 支... 臺... 各... 王

刺... 我... 國... 於... 本... 日... 指... 餘... 登... 日... 親... 赴... 并... 矣

非... 潭... 矣... 履... 各... 內... 臺... 各... 聚... 執... 身... 於... 本... 日... 時... 餘... 日... 於... 董... 於... 支... 臺... 各... 王

開... 領... 道... 舊... 采... 五... 集... 目... 各

守... 開... 矣

